

Züem erste ziehn se hinte no
Ne Schweif as wie d'Komete,
Glänzt er vielleicht o nitt eso,
Thien doch Viel vo-n-em rede.

Un 's thüet se jo, das isch bekannt,
E Sunne-n-o aziege,
In ihrem Liewesgegestand
Thien sie entgege fliege.

Wie nächer kämme sie derzue,
Wie g'schwinder thien se renne,
Doch g'wiss geht's langsam als genüe,
Wenn's heisst, sich wieder trenne.

Un sin se-n-endlig furt derno
Un thüet ihr' Lauf nit störe,
So weiss me jo züem vorüs scho,
Wenn ass se z'ruck thien kehre.

Doch sott me se lang nimmig sah
Un bliwe se verschwunde,
So hän se halt, was licht ka g'schäh,
Ne andre Sunne g'funde.

~~~~~  
**D'Katze.**  
—

's thien Katze ne Versammlung halte  
Uf unsrer Bihne hinterm Holz,  
Se sitze-n-Alle, Jung un Alte,  
Dert in're Reihe ernst un stolz.

Schint's hän se wichtig Dings vorz'trage!  
Nur sin se no nitt ganz complet,  
's wird siter g'schwätzt, se rieme, klage,  
Wie's g'wöhnlig an so Orte geht.

's isch wohr, mr hän's güet in viel Sache,  
Sàit grad e-n-alte Muetterkatz,  
Mr brüche nimmig halb so z'wacne  
Uf d'Mis, ich wich drum nitt vom Platz!

Me hat jo jetz kunstriche Falle,  
Wo sie thien fange Gross un Klei,  
Me ka se bol nimm fresse-n-Alle,  
's verleidet eim das Einerlei!

Nur d'Vögel, die sin nitt az'ziege,  
Mr mien se-n-üs em Sinn uns schla,  
Grad unser Libspis, die ka fliege!  
Ich gäb weiss was, fir Fättig z'ha!

Ich bi letscht ohne Fättig g'floge,  
Züem Fenster üse noch derzue,  
So sàit e-n-Andre, fir eim z'ploge  
Hat's immer böse Lit genüe.

Un d'Kinder o thien eim norenne,  
Die meine, d'Wädel sin nur g'macht,  
Fir ass sie sich dra hewe kenne,  
's git als e mänge heisse Schlacht.

E-n-alter Rolli, bleich un mager,  
Doch mit eme gar nowle G'sicht,  
Steht langsam uf jetz vo sim Lager,  
Verneigt si, hüeschtet, speit un spricht:

Ihr Dame-n-un Ihr Rolli z'àmme,  
Wenn Ihr jetz enig werde hit,  
Wà mir das frische G'setz anàmme,  
Wo scho so lang uns z'schaffe git.

So warte doch e wenig numme,  
Rieft Eine, bis mi Onkel kunnt!  
Un mi Grossvater soll o kumme,  
So rieht 's Minett im Hintergrund.